



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.22. Epistola S. Bonifacii.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. mos habebant, Leges Romanas serva-  
 A.C. 732. bant, & linguam Græcam, qua S. Joannes  
 scripsit.

Deinde subjungit: *Manichæi Evangelium secundum S. Thomam scribere ausi sunt, scribite & vos aliud secundum Leonem Imperatorem. Nescio Cæsarem, si Sacerdotii jura usurpet. Memini Valentem Sacerdotii Officium occupasse, cum Fidem Catholicam persecutus est, quamvis Christiani nomen gereret. Eadem insania fuit Zenonis, Anastasii, Heraclii, Constantini, qui in Sicilia fuit, & Bardanis cognomento Philippici.* Huic Sermoni S. Joannes Damascenus subdit eodem Textus, quos in fine Sermonis primi attulerat, sed etiam quosdam alios S. Chrystomi, S. Ambrosii, S. Maximi & S. Anastasii Antiocheni adjecit.

Sermo tertius pro imaginibus scriptus ferme nihil, quod non in duobus prioribus occurrat, continet, nisi quod major numerus Textuum in fine appositus fuerit.

## §. XXII.

*Epistola S. Bonifacii.*

*vit. Bon. per* **I**conoclastis Fidem in Oriente oppugnanti-  
*Vil. c. 8. 4.* bus, eadem in Germania S. Bonifa-  
*Act. Be. p. 19.* cii laboribus strenue propagabatur. Fundatis Monasteriis Fridelariensi & Amn-  
 noburgensi, nempe circa annum 732.  
 con-



contulit se in Bavariam, ubi Hubertus Dux imperabat, & illius Regionis Ecclesias visitavit. S. Corbiniano Episcopo Frisingensi jam anno 730. defuncto, octavo Sept., quo die Ecclesia ejus memoriam colit, S. Bonifacius in Bavariam veniens deprehendit hanc Ecclesiam a quodam Hæretico, nomine Erenwolfio, qui populum ad Idololatriam reducebat, turbari. Hoc igitur homine secundum Canones damnato, & ex illa Regione ejecto, restituta etiam Disciplina, Vir Sanctus ad suam Diœcesin reversus est.

Haud multo post tempore S. Bonifacius ad Northelmum Archiepiscopum Cantuariensem Epistolam dedit in hunc ferme modum scriptam: *Rogo, ut cum ad Deum oras, mei memineris, quippe Spiritus meus adversus tot assultus nationum Germanicarum confirmatione indiget. Cupio etiam Communione & Charitate Fraternali tibi unitus esse, sicut Antecessori tuo Berthualdo conjunctus eram, quando e patria mea migravi. Præterea enixe rogo, ut mihi mittas exemplar Epistolæ, quæ complectitur quæstiones Augustini Episcopi cum Responsis S. Gregorii Papæ; in ea enim præter alios Articulos dicitur, licere Fidelibus in tertia generatione matrimonio conjungi. Sollicite examina, an hoc Scriptum S. Gregorii sit; nam qui Tabulas Ecclesie*

Sæcul. VIII.  
A. C. 732.

Sup. n. 10.  
Sup. Lib.  
XLI. §. 31.  
vit. to. 3. Act.  
Ben. p. 51.  
Mart. Rom.  
8. Sept.

Epist. l. 5.

Sup. Lib.  
XXXVI.  
§. 37. & 38.

sic



Sæcul. VIII.  
A. C. 732.

*sic Romanae custodiunt, dicunt, quod i-  
stud inter alias ejusdem Papæ Epistolas  
quæsitum non invenerint. Ceterum con-  
siliium tuum expeto super peccato a me  
admisso, dum in nuptias consensu. Qui-  
dam vir, postquam infantem e fonte Sa-  
cro levavit, deinde matrem factam vi-  
duam, duxit. Dicunt Romani, esse pec-  
catum mortale, jubent, ut separentur,  
& affirmant, hoc crimen, sub Impera-  
toribus Christianis pœna capitis dignum,  
aut saltem perpetua peregrinatione ex-  
piandum fore. Doceas me velim, an in  
Decretis Patrum, vel in Canonibus vel  
Scriptura legeris, in his nuptiis tantum  
esse nefas; capere enim nequeo, cur co-  
gnatio Spiritualis in quadam Ecclesia  
nuptias usque adeo scelestas reddat, cum  
per Baptismum omnes fratres simus. Id  
quoque me doce; quo post Incarnationem  
anno primi Prædicatores, a S. Gregorio  
ad Anglos missi, illo pervenerint. S. Bo-  
nifacius super eadem quæstione de Nu-  
ptiis initis cum sacræ propinquitatis so-  
cia matre consuluit Pecthlemum pri-  
mum Casæ Candidæ in Nordhumbria  
Episcopum & Duddonem Abbatem, o-  
lim Discipulum suum. Eundem ro-  
gat, ut Tractatus Patrum in Scripturam  
mittat.*

Hanc



Hanc Epistolam S. Bonifacii Eoba Presbyter detulit, alteramque ad Abbatissam Eadburgam datam, in qua gratias agit, ob missos sibi libros, vestesque, & rogat eam, ut Epistolas S. Petri litteris aureis sibi conscriberet, quo major Sacrae hujus Scripturae reverentia rudibus hominibus crearetur, & suo affectui in S. Apostolum satisfaceret, quem tanquam Missionis suae Praesidem & Defensorem venerabatur. In alia Epistola ad eandem Abbatissam queritur, quod tot Adversarios in sua Praedicatione pateretur. *Undique, inquit, labor & furor, foris pugnae, intus timores, & falsorum fratrum nequitia longe peior est Gentilium pravitate.* Plures extant Epistolae S. Bonifacii ad hanc Eadburgam Abbatissam, quam Monasterio Vinoburnensi in Saxonia Occidentali praefuisse credunt. Sed etiam altera erat Eadburga Abbatissa Tanetensis, quae frequentissime Bugga dicebatur & cui S. Bonifacius duas scripsit Epistolas. Eoba Presbyter S. Bonifacii in labore Apostolico socius exinde Insula Ultrajectensi exornatus est.

Ad haec tempora referri potest Epistola Episcopi Torthelmi ad S. Bonifacium, cum ei titulum Archiepiscopi tribuat. Gratulatur auspiciatissimam Saxonum Conversionem, dicit, quod ipse memoriam in Missa & in precibus quotidiana-

Saecul. VIII.

A. C. 732.

Epist. II. Be.

V. hist. c. ult.

epist. 22.

S. Bonifacius

Ep. 28.

Ep. 13.

2. Cor. 8. 5.

Ep. 7. 13. 14.

Act. SS. Be.

to. 3. p. 448.

Ep. 2. 20.

Othlo. l. 2.

c. 21.

Ep. 43.



Sæcul VIII.

A. C. 738.

ep. 49.

v. Mabill.  
Liturg.  
ep. 76.

ep. 40.

tidianis agat. Habemus etiam duorum Regum Epistolas, quæ eodem tempore datæ videntur, saltem prima, ubi de Eoba Presbytero mentio occurrit. Scripta est hæc Epistola a Sigebaldo Rege Saxonum Occidentalium, qui S. Bonifacium efflictim rogat, ut unacum Daniele Episcopus suus esse velit, dicitque: *Scias, quod Missam celebrans jubeam recitari nomen tuum, sicut Episcoporum nostrorum nomina recitantur.* Missam celebrare illius temporis stylo sæpe significat Missæ adesse, & de Laicis dicitur. Altera Epistola est Aelbualdi Regis Angliæ Orientalis qui suo & omnium Monasteriorum Regni sui nomine scribens dicit, se, ut S. Bonifacii desiderio satisfaceret, pro ipso in Missis & in septem horis Canonicis orare. Precibus Viri Sancti se commendat, & addit, nomina defunctorum vicissim mittenda esse, ut pro ipsis oretur. Ethilbertus Rex Cantiorum ad S. Bonifacium scribens mentionem facit de Bugga Abbatissa, ei vas argenteum & aliqua alia Dona mittit, & petit sibi mitti duos accipitres, quod in Germania venationi aptiores quam in Regno suo nascerentur.

## §. XXIII.

*S. Bonifacius tertio Romæ.*

Sanctus Bonifacius anno septingentesimo